

四庫全書

集部

# 欽定四庫全書

集部

御定全唐詩卷二百

七十一至  
七十二

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官典簿臣劉景岳

謄錄監生臣沈大方

欽定四庫全書

御定全唐詩卷二百七十

戎昱

戎昱荆南人登進士第衛伯玉鎮荆南辟為從事建中  
中為辰虔二州刺史集五卷今編詩一卷

塞下

一作曲

慘慘寒日沒北風卷蓬根將軍領疲兵却入古塞門回  
頭指陰山殺氣成黃雲

上山望胡兵胡馬馳驟速黃河水已合意又向南牧嫖  
姚夜出軍霜雪割人肉

塞北無草木烏鵲巢僵屍決滸沙漠空終日胡風吹戰  
卒多苦辛苦辛無四時

晚渡西海西向東看日沒傍岸砂礫堆半和戰兵骨單  
于竟未滅陰氣常勃勃

城

一作樓

上畫角哀即

一作則

知兵心苦試問左右人無言

淚如雨何意休明時終年事鼙鼓

北風凋百草胡馬日駸駸  
夜後戍樓月秋來邊將心  
鐵衣霜露一作雪重戰馬歲年深  
自有盧龍塞烟塵飛至今

苦哉行五首

寶應中過滑州洛陽後同王季友作

彼鼠侵我廚縱狸授梁肉  
鼠雖為君却狸食自須足  
冀雪大國恥翻是大國辱  
羶腥逼綺羅墀瓦雜珠玉  
登樓非騁望目笑是心哭  
何意天樂中至今奏胡曲

官軍收洛陽家住洛陽里  
夫婿與兄弟目前見傷死  
吞聲不許哭還遣衣羅綺  
上馬隨匈奴數秋黃塵裏  
生為

名家女死作塞垣鬼鄉國無還期天津哭流水

登樓望天衢目極淚盈睫彊笑無笑容須妝舊花鬢昔  
年買奴僕奴僕來碎葉豈意未死間自為匈奴妾一生  
忽至此萬事痛苦業得出塞垣飛不如彼蜂蝶

妾家清河邊七葉承貂蟬身為最小女偏得渾家憐親  
戚不相識幽閨十五年有時最遠出祇到中門前前年  
狂胡來懼死翻生全今秋官軍至豈意遭戈鋌匈奴為  
先鋒長鼻黃髮拳彎弓獵生人百步牛羊羶脫身落虎

口不及歸黃泉苦哉難重陳暗哭蒼蒼天

可汗奉親詔今月歸燕山忽如亂刀劍攪妾心腸間出  
戶望北荒迢迢玉門關生人為死別有去無時還漢月  
割妾心胡風凋妾顏去去斷絕魂呌天天不聞

苦辛行

且莫奏短歌聽余苦辛詞如今刀筆士不及屠沽兒少  
年無事學詩賦豈意文章復相悞東西南北少知音終  
年竟歲悲行路仰面訴天天不聞低頭告地地不言天

地生我尚如此陌上他人何足論誰謂西江深涉之固  
無憂誰謂南山高可以登之遊險巇唯有世間路一瞬  
令人堪白頭貴人立意不可測等閒桃李成荊棘風塵  
之士深可親心如雞犬能依人悲來却憶漢天子不棄  
相如家舊貧勸君且飲酒酒能散羈愁誰家有酒判一  
醉萬事從他江水流

長安秋夕

一作中秋感懷

八月更漏長愁人起常早閉門寂無事滿院

一作地

生秋



草昨夜西

一作北

窗夢夢入荆南

一作門

道遠客歸去來在

家貧亦好

### 羅江客舍

山縣秋雲閣茅亭暮雨寒自傷庭葉下誰問客衣單有

興時添酒

一作開卷

無聊嬾整冠近來鄉國夢夜夜到長安

### 贈岑郎中

童年未解讀書時誦得郎中數首詩四海煙塵猶隔閣

十年魂夢每相隨

一作思

雖披雲

一作欣披

霧逢迎疾已恨趨

風拜德

一作識

遲天下無人鑒詩句不尋詩伯重

一作更尋

誰

聞笛

一作李益詩

入夜思歸切笛聲清

一作寒

更哀愁人不願聽自到枕前

一作邊

來風起塞雲斷夜深關月開平明獨惆悵飛盡一

庭梅

漢上題韋氏莊

結茅同楚客卜築漢江邊日落數歸鳥夜深聞扣舷水

痕侵岸柳山翠借廚烟調笑提筐婦春來蠶幾眠

閨情

側聽宮官說知君寵尚存未能開笑頰先欲換愁魂寶  
鏡窺粧影紅衫裏淚痕昭陽今再入寧敢恨長門

衡陽春日遊僧院

曾共劉諮議同時事道林與君相掩淚來客豈知心塔  
雪凌春積爐烟向暝深依然舊童子相送出花林

玉臺體題湖上亭

湖入縣西邊湖頭勝事偏綠竿初長笋紅顆未開蓮蔽  
日高高樹迎人小小船清風長入坐夏月似秋天

早梅

一樹寒梅白玉條迴臨村路傍溪橋應緣一作不知近水花

先發疑是經春

一作冬

雪未銷

移家別湖上亭

好是

一作去

春風湖上亭柳條藤蔓繫離情黃鶯久住渾

相識欲別頻啼四

一作三

五聲

客堂秋夕

隔窗螢影滅復流北風微雨虛堂秋蟲聲竟夜引鄉淚  
蟋蟀何自知人一作知人自愁四時不得一日樂以此方悲

客遊惡一作牢落寂寂江城無所聞梧桐葉上偏蕭索

湖南雪中留別

草草還草草湖東別離早何處愁殺人歸鞍雪中道出  
門迷轍跡雲水白浩浩明日武陵西相思鬢堪老

贈別張駙馬

上元年中長安陌見君朝下欲歸宅飛龍騎馬三十匹

一作四

玉勒雕鞍照初日數里衣香遙撲人長衢雨歇無

纖塵從奴斜抱勅賜錦雙雙蹙出金麒麟天子愛壻皇

后弟獨步明時負權勢一身扈蹕承殊澤甲第朱門聳

高戟鳳凰樓上伴吹簫鸚鵡杯中醉留客泰去否來何

足論宮中晏駕人事翻一朝負譴辭丹闕五年待罪湘

江源冠冕淒涼幾遷改眼看桑田變成海華堂金屋別

賜人細眼黃頭總何在渚宮相見寸心悲嬾欲今時問

昔時看君風骨殊未歇不用愁來雙淚垂

涇州觀元戎出師

寒日征西將蕭蕭萬馬叢吹笳覆樓雪祝纛滿旗風遮  
虜黃雲斷燒羌白草空金鏡肅天外玉帳靜霜中朔野  
長城閉河源舊路通衛青師自老魏絳賞何功槍壘依  
沙迴轅門壓塞雄燕然如可勒萬里願從公

從軍行

昔從李都尉雙鞬照馬蹄擒生黑山北殺敵黃雲西太

白沈虜地邊草復萋萋歸來邯鄲市百尺青樓梯感激  
然誥重平生膽力齊芳筵暮歌發豔粉輕鬟低半酣一作  
醉秋風起鐵騎門前嘶遠戍報烽火孤城嚴鼓鞀揮鞭  
望塵去少婦莫含啼

古意

女伴朝來說知君欲棄捐嬾梳明鏡下羞到畫堂前有  
淚霑脂粉無情理管弦不知將巧笑更遣向誰憐

聽杜山人彈胡笳

一本題下有歌字



綠琴胡笳誰妙彈山人杜陵名庭蘭杜君少與山人友  
山人沒來今已久當時海內求知音囑付胡笳入君手  
杜陵攻琴四十年琴聲在音不在弦座中為我奏此曲  
滿堂蕭颼如窮邊第一第二拍淚盡蛾眉沒蕃客更聞  
出塞入塞聲穹廬氊帳難為情胡天雨雪四時下五月  
不曾芳草生須臾促軫變宮徵一聲悲兮一聲喜南看  
漢月雙眼明却顧胡兒寸心死迴鶻數年收洛陽洛陽  
士女皆驅將豈無父母與兄弟聞此哀情皆斷腸杜陵

先生證此道沈家祝家皆絕倒如今世上雅風衰若箇  
深知此聲好世上愛箏不愛琴則明此調難知音今朝  
促軫為君奏不向俗流傳此心

詠史

一作  
和蕃

漢家青史上計拙是和親社稷依明主安危託婦人豈  
能將玉貌便擬靜胡一作煙塵地下千年骨誰為輔佐臣

桂州臘夜

坐到三更盡歸仍萬里賒雪聲偏傍竹寒夢不離家曉

角分殘漏孤燈落碎花二年隨驃騎辛苦向天涯

再赴桂州先寄

一作上

李大夫

玷玉甘長棄朱門喜再遊過因讒後重恩合死前酬養  
驥須憐瘦栽松莫厭秋今朝兩行淚一半血和流

題招提寺

招提精舍好石壁向江開山影水中盡鳥聲天上來一

燈傳歲月深院

一作殿

長莓苔日暮雙林磬泠泠

一作玲玲

送

客回

謫官辰州冬至日懷

去年長至在長安策杖曾簪獬豸冠此歲長安逢至日  
下堦遙想雪霜寒夢隨行伍朝天去身寄窮荒報國難  
北望南郊消息斷江頭唯有淚闌干

贈韋況徵君

身欲逃名名自隨鳳銜丹詔降茅茨苦節難違天子命  
貞心唯有老松知回看藥竈封題密強入蒲輪引步遲  
今日巢由舊冠帶聖朝風化勝堯時

送吉州閤使君入道二首

聞道桃源去塵心忽自歸  
余當從宦日君是棄官時  
金汞封仙骨靈津嚙玉池  
受傳三籙備起坐五雲隨  
洞裏花常發人間鬢易衰  
他年會相訪莫作爛柯碁

廬陵太守近隳官霞

一作月

帔初朝五

一作玉

帝壇風過鬼

神延

一作迎

受籙夜深龍虎衛燒丹冰容入鏡纖埃靜玉

液添

一作傾

餅漱齒寒莫遣桃花迷客路  
千山萬水訪君

難

入劍門

劍門兵革後萬事盡堪悲  
烏鼠無巢穴兒童話別離  
山川同昔日荆棘是今時  
征戰何年定家家有畫旗

過商山

雨暗商山過客稀  
路傍孤店閉柴扉  
卸鞍良久茅簷下  
待得巴一作人樵採歸

閨春宴花溪嚴侍御莊

一團青一作春  
翠色云是子陵家  
山帶新晴雨溪留閨月

花瓶開中漉酒地  
圻筍抽芽綵縵

一作何幸

承顏面

一作服

朝

朝賦

一作奏

白華

歲暮客懷

異鄉三十口親老復家貧  
無事乾坤內虛為翰墨人  
歲華南去後愁夢北來頻  
惆悵江邊柳依依又欲春

秋望興慶宮

先皇歌舞地今日未遊巡  
幽咽龍池水淒涼御榻塵  
隨風秋樹葉對月老宮人  
萬事如桑海悲來欲慟一作動神

送鄭鍊師貶辰州

辰州萬里外想得逐臣心  
謫去刑名枉人間痛惜深  
誤將瑕指玉遂使謾一作謗  
消金計日西歸在休為澤畔吟

雲夢故城秋望

故國遺墟在登臨想舊遊  
一朝人事變千載水空流  
夢渚鴻聲一作毛晚一作鷗  
飛一作鷗荆門樹色秋  
片雲凝不散遙挂

望鄉愁

秋日感懷



洛陽岐路信悠悠無事辭家兩度秋日下未馳千里足  
天涯徒泛五湖舟荷衣半浸綠鄉淚玉貌潛銷是客愁  
說向長安親與故誰憐歲晚尚淹留

送王明府入道

何事陶彭澤明時又挂冠為耽泉石趣不憚薜蘿寒輕  
雪籠紗帽孤猿傍醺壇懸懸一作思老松下金竈夜燒丹

秋月

一作江城秋夜

江干入夜杵聲秋百尺疎桐挂斗牛思苦自看一作緣明

月苦人愁不是月華愁

賦得鐵馬鞭

成器雖因匠懷剛本自天為憐持寸節長擬靜三邊未  
入英髦用空存鐵石堅希君剖腹取還解抱龍泉

聞顏尚書陷賊中

聞說一作傳道征南沒那堪故吏聞能持蘓武節不受馬超

勲國破無家一作人信天秋有鴈羣同榮不同辱今日負

將軍

送蘇參軍

憶昨青襟醉裏分酒醒回首愴離羣  
舟移極浦城初掩  
山東長江日早曛客一作老來有恨空思德  
別後誰人更  
議文常歎蘇生官太屈應緣才似鮑參軍

成都元十八侍御

不見元生已數朝浣花溪路去非遙  
客舍早知渾寂寞  
交情豈謂更蕭條空有寸心思會面  
恨無單酌遣相邀

驂驄

一作驄

幸自能馳驟何惜揮鞭過柞橋

觀衛尚書九日對中使射破的

盛宴傾黃菊殊私降紫泥月營開射圃霜旆拂晴霓  
出將三朝貴彎弓五善齊腕迴金鏃滿的破綠弦低  
勇氣干牛斗歡聲震鼓鞀忠臣思報國更欲取關西

辰州聞大駕還宮

聞道鑾輿歸魏闕望雲西拜喜成悲寧知隴水煙銷日  
再有園林秋薦時渭水戰添亡虜血秦人生覩舊朝儀  
自慚出守辰州畔不得親隨日月旗

辰州建中四年多懷

荒徼辰陽遠窮秋瘴雨深主恩堪灑血邊官更何心  
海  
上紅旗滿生前白髮侵竹寒寧改節隼靜早因禽務退  
門多掩愁來酒獨斟天涯憂國淚無日不霑襟

上桂州李大夫

今日辭門館情將衆別殊感深翻有淚仁過曲憐愚晚

一作曉

鏡傷秋鬢晴寒切病軀煙霞

一作波

萬里闊宇宙一

身孤

一作迂

倚馬才寧有登龍意豈無唯於方寸內暗貯

報恩珠

江城秋霽

霽後江城風景涼  
豈堪登眺只堪傷  
遠天蟬螻收殘雨  
映水鷗鷺近夕陽  
萬事無成空過日  
十年多難不還鄉  
不知何處銷茲恨  
轉覺愁隨夜夜長

上李常侍

旌旗曉過大江西  
七校前驅萬隊齊  
千里政聲人共喜  
三軍令肅馬前嘶  
恩霑境內風初變  
春入城陰柳漸低

桃李不須令更種  
早知門下舊成蹊

上湖南崔中丞

山上青松陌上塵  
雲泥豈合得相親  
舉世盡嫌良馬瘦  
唯君不棄一作厭臥龍貧  
千金未必能移性  
一諾從來許殺身  
莫道書生無感激  
寸心還是報恩人

早春雪中

陰雲萬里晝一作盡漫漫  
愁坐關心事幾般  
為報春風休

下雪柳條初放

一作發

不禁寒

雲安阻雨

日長巴峽雨濛濛  
又說歸舟路未通  
遊人不及西江水  
先得東流到渚宮

湖南春日二首

自憐春日客長沙  
江上無人轉憶家  
光景却添鄉思苦  
簷前數片落梅花

三湘漂寓若流萍  
萬里湘江一作鄉隔洞庭  
羈客春來心

欲碎東風莫遣柳條青



送陸秀才歸覲省

武陵何處在南指楚雲陰花萼連枝

一作芳

近桃源去路

深啼鶯徒寂寂征馬已駸駸上千年柳條條挂我心

戲題秋月

秋宵月色勝春宵萬里天涯靜寂寥近來數夜飛霜重  
只畏娑婆樹葉凋

宿湘江

九月湘江水漫流沙邊唯覽月華秋金風浦上吹黃葉

一夜紛紛滿客舟

戲贈張使君

數載蹉跎罷搢紳五湖乘興轉迷津  
如今野客無家第醉處尋常是主人

別公安賈明府

葉縣門前江水深淺於羈客報恩心  
把君詩卷西歸去一度相思一度吟

霽雪

一作韓舍人  
書窗殘雪

風卷寒

一作黃

雲

一作長空

暮雪晴江煙洗盡柳條

一作枝

輕簷

前數片無人掃又得書窗一夜明

### 漢陰弔崔員外墳

遠別望有歸葉落

一作落葉

望春暉所痛泉路人一去無還

期荒墳遺漢陰墳樹啼子規存沒抱冤滯孤魂意何依

豈無骨肉親豈無深相知曝露不復問高名亦何為相

攜慟君罷春日空遲遲

### 題槿花

自用金錢買槿栽二年方始得花開  
鮮紅未許佳人見  
蝴蝶爭知早到來

題宋玉亭

宋玉庭前悲暮秋陽臺路上雨初收  
應緣此處人多別  
松竹蕭蕭也帶愁

過東平軍

畫角初鳴殘照微營營鞍馬往來稀  
相逢士卒皆垂淚  
八座朝天何日歸

送辰

一作新

州鄭使君

誰人不謫君去獨堪傷長子家無弟

一作第

慈親老在

堂驚魂隨驛吏冒暑向炎方未到猿啼處參差已斷腸

江上柳送人

一本題上有賦得二字

江柳斷腸色黃絲垂未齊人看幾重恨鳥入一枝低鄉  
淚正堪落與君又解攜相思萬里道春去夕陽西

湘南曲

虞帝南遊不復還翠蛾幽怨水雲間昨夜月明湘浦宿

閨中珂珮度空山

桂州西山登高上陸大夫

登高上山上高處更堪愁野菊他鄉酒蘆花滿眼秋風

煙連楚郡兄弟客

一作愛

荊州早晚朝天去親隨定遠侯

寄鄭鍊師

平生金石友淪落向辰州已是二年客那堪終日愁尺  
書渾不寄兩鬢計應秋今夜相思月情人南海頭

八月十五日

憶昔千秋節，懽娛萬國同。今來六親遠，此日一悲風。  
年少逢胡亂，時平似夢中。梨園幾人在，應是涕一作泣無窮。

征人歸鄉

三月江城柳絮飛，五年遊客送人歸。  
故將別淚和鄉淚，今日闌干濕汝衣。

駱家亭子納涼

江湖思渺然，不離國門前。  
折葦魚沈藻，攀藤鳥出煙。  
生衣宜水竹，小酒入詩篇。  
莫怪侵星坐，神清不欲眠。

逢隴西故人憶關中舍弟

莫話邊庭事心摧不欲聞  
數年家隴地舍弟歿胡軍  
每念支離苦常嗟骨肉分  
急難何日見遙哭隴西雲

秋夜

一本有宿字

梁十三廳事

今來秋已暮還恐未成歸  
夢裏家仍遠愁中葉又飛  
竹聲風度急燈影月來微  
得見梁夫子心源有所依

成都暮雨秋

一作秋雨

九月龜城暮愁人閉草堂  
地卑多雨潤天暖少秋霜  
縱



欲傾新酒其如憶故鄉不知更漏意惟向客

枕一作

邊長

### 酬梁二十

渚宮無限客相見獨相親長路皆同病無言似一身歲  
寒唯愛竹憔悴不堪春細與知音說攻文恐悞人

### 花下宴送鄭鍊師

愁裏惜春深聞幽即共尋貴看花柳色圖放別離心客  
醉花能笑詩成花

酒一作

伴吟為君調綠綺先奏鳳歸林

### 秋館雨後得弟兄書即事呈李明府

弟兄書忽到一夜喜兼愁空館復聞雨貧家怯到秋坐  
中孤燭暗窗外數螢流試以他鄉事明朝問子游

寄梁淑

長憶江頭執別時論文未有不相思鴈過經秋無尺素  
人來終日見新詩心思食藥何由展家似流萍任所之  
悔學秦人南避地武陵原上又徵師

送張秀才之長沙

君向長沙去長沙僕舊諳雖之

一作云

桂嶺北終是關

一作洞

庭南山靄生朝雨江煙作夕嵐松醪能醉客慎勿滯湘潭

塞下一作曲

漢將歸來虜塞空旌旗初下玉關東高蹄戰馬三千匹  
落日平原秋草中

送僧法和一作送亮法師

達士心無滯他鄉總是家問經翻貝葉論法指蓮花欲  
契真空義先開智慧芽不知飛錫後何處是恒沙

送嚴十五郎之長安

送客身為客思家愴別家暫收雙眼淚遙想五陵花路  
遠征車迴山迴劍閣斜長安君到日春色未應一作曾賒

冬夜宴梁十三廳

故人能愛客秉燭會吾曹家為朋徒罄心緣翰墨勞夜  
寒銷臘酒霜冷重綈袍醉臥西窗下時聞鴈響高

收襄陽城二首

悲風慘慘雨脩脩峴北山低草木愁暗發前軍連夜戰

平明旌旆入襄州

五營飛將擁霜戈  
百里僵屍滿盡河  
日暮歸來看劍血  
將軍却恨殺人多

出軍

龍繞旌竿獸滿旗  
翻營乍似雪中

一作山

移中軍一隊三

千騎盡是并州遊俠兒

和李尹種葛

弱質人皆棄  
唯君手自栽  
藟含霜後竹  
香惹臘前梅  
擬

託凌雲勢須憑接引材清

一作綠

陰如可借黃鳥定飛來

送零陵妓

一作送妓  
赴于公居

寶鈿香蛾翡翠裙  
裝成掩泣欲行雲  
殷勤好取襄王意  
莫向陽臺夢使君

採蓮曲二首

雖聽採蓮曲詎識採蓮心  
漾櫂愛花遠回船愁浪深  
煙生極浦色日落半江陰  
同侶憐波靜看妝墮玉簪

潯陽女兒花滿頭  
毵毵同泛木蘭舟  
秋風日暮南湖裏

爭唱菱歌不肯休

塞上曲

胡風畧地燒連山  
碎葉孤城未下關  
山頭烽子聲一作齊

聲叫知是將軍夜獵還

寂上人禪房

俗塵浮垢閉禪關  
百歲身心幾日閒  
安得此生同草木  
無營長在四時間

桂州口號

畫角三聲動客愁  
曉霜如雪覆江樓  
誰道桂林風景暖  
到來重著皂貂裘

紅槿花

花是深紅葉麴塵  
不將桃李共爭春  
今日驚秋自憐客  
折來持贈少年人

哭黔中薛大夫

亞相何年鎮百蠻  
生涯萬事瘴雲間  
夜郎城外誰人哭  
昨日空餘旌節還



感春

看花淚盡知春盡  
魂斷看花祇恨春  
名位未霑身欲老  
詩書寧救眼前貧

途中寄李二

一作李益詩

楊柳煙含灞岸春  
年年攀折為行人  
好風若借低枝便  
莫遣青絲埽路塵

寄許鍊師

一作李益詩

埽石焚香禮碧空  
露華偏濕藥珠宮  
如何說得天壇上

萬里無雲月正中

下第留辭顧侍郎

綺陌彤彤花照塵  
王門侯邸盡朱輪  
城南舊有山村路  
欲向雲霞覓主人

題雲公山房

一作權德輿詩  
又作楊巨源詩

雲公蘭若深山裏  
月明松殿微風起  
試問空門清淨心  
蓮花不著秋潭水

別離作

一作戴叔倫詩

手把杏花枝，未曾經別離。  
黃昏掩門後，寂寞自心知。

九日賈明府見訪

獨掩衡門秋景閒，洛陽才子訪柴關。  
莫嫌濁酒君須醉，雖是貧家菊也斑。  
同人願得長攜手，久客深思一破顏。  
却笑孟嘉吹帽落，登高何必上龍山。

開元觀陪杜大夫中元日觀樂

第八句缺一字

今朝歡稱玉京天，況值關東俗理年。  
舞態疑迴紫陽女，歌聲似遏綵雲仙。  
盤空雙鶴驚凡劍，灑砌三花度管弦。

落日香塵擁歸騎  
風油幕動高煙

中秋夜登樓望月寄人

西樓見月似江城  
脈脈悠悠倚檻情  
萬里此情同皎潔  
一年今日最分明  
初驚桂子從天落  
稍誤蘆花帶雪平  
知稱玉人臨水見  
可憐光彩有餘清

贈宜陽張使君

暫作宜陽客  
深知太守賢  
政移千里俗  
人戴兩重天  
舊郭多新室  
閒坡盡闢田  
倘令黃霸在  
今日恥同年

移家別樹

千一作手種庭前樹人移樹不移看花愁作別不及未栽

時

成都送嚴十五之江東

江東萬里外別後幾悽悽峽路花應發津亭柳正齊酒  
傾遲日暮川闊遠天低心繫征帆上隨君到剡溪

送李參軍

好住好住王司戶珍重珍重李參軍一東一西如別鶴

一南一北似浮雲月照疎林千片影風吹寒水萬里紋  
別易會難今古事非是余今獨與君

題嚴氏竹亭

子陵棲遁處堪繫野人心溪水浸山影嵐烟向竹陰忘  
機看白日留客醉瑤琴愛此多詩興歸來步步吟

送王端公之太原歸覲相公

杜史今何適西行詠陟岡也知人惜別終美鴈成行春  
雨桃花靜離尊竹葉香到時丞相閣應喜棣華芳

旅次寄湖南張郎中

寒江近戶漫流聲，竹影臨窗亂月明。  
歸夢不知湖水闊，夜來還到洛陽城。

晚次荊江

孤舟大江水，水涉無昏曙。  
雨暗迷津時，雲生望鄉處。  
漁翁閒自樂，樵客紛多慮。  
秋色湖上山，歸心日邊樹。  
徒稱竹箭美，未得楓林趣。  
向夕垂釣還，吾從落潮去。

同辛兗州巢父盧副端岳相思獻酬之作因紆

歸懷兼呈辛魏二院長楊長寧

暮角發高城  
情人坐中起  
臨觴不及醉  
分散秋風起  
雖有明月期  
離心若千里  
前歡反惆悵  
後會還如此  
焉得夜淹留  
一匝終宴喜  
羈遊復牽役  
館至重湖水  
早晚泛歸舟  
吾從數君子

撫州處士湖泛舟送北迴兩指此南昌縣查溪  
蘭若別

移樽鋪山曲  
祖帳查溪陰  
鋪山即遠道  
查溪非故林  
悽



然誦新詩落淚霑素襟  
郡政我何有別情君獨深  
禪庭古樹秋宿雨清沈沈  
揮袂故里遠悲傷去佳心

耒陽谿夜行

為傷杜甫作

乘夕棹歸舟緣源二轉幽  
月明看嶺樹風靜聽溪流  
嵐氣船間入霜華衣上浮  
猿聲雖此夜不是別家愁

桂城早秋

遠客驚秋早江天夜露新  
滿庭惟有月空館更何人  
卜命知身賤傷寒舞劒頻  
猿啼曾下淚可是為憂貧

桂州歲暮

歲暮天涯客寒窗欲曉時君恩空自感鄉思夢先知重  
誼人愁別驚棲鵲戀枝不堪樓上角南向海風吹

宿桂州江亭呈康端公

獨向東亭坐三更待月開螢光入竹去水影過江來露  
滴千家靜年流一葉催龍鍾萬里客正合故人哀

御定全唐詩卷二百七十

欽定四庫全書

御定全唐詩卷二百七十一

竇叔向

竇叔向字遺直京兆人代宗時常袞為相引為左拾遺  
內供奉袞貶出為溧水令五子羣常牟庠鞏皆工詞章  
有聯珠集行於時叔向工五言名冠時輩集七卷今存  
詩九首

寒食日恩賜火

恩光及小臣華燭忽驚春電影隨中使星輝拂路人幸  
因榆柳暖一照草茅貧

端午日恩賜百索

仙宮長命縷端午降殊私事盛蛟龍見恩深犬馬知餘  
生儻可續終冀荅明時

貞懿皇后挽歌三首

今存  
二首

二陵恭婦道六寢盛皇情禮遜生前貴恩追歿後榮幼  
王親捧土愛女復連塋東望長如在誰云向玉京

後庭攀畫柳上陌咽清笳命婦羞蘋葉都人插柰花壽  
宮星月異仙路往來賒縱有迎仙一作神術終悲隔絳紗

秋砧送邑

一作包

大夫

斷續長門下清冷逆旅秋征夫應待信寒女不勝愁帶  
月飛城上因風散陌頭離居偏入聽況復送歸舟

過擔石湖

曉發漁門戍晴看擔石湖日銜高浪出天入四空無尺

寸

一作咫尺

分洲島纖毫指

一作辨

舳艫渺然從此去誰念客

帆孤

春日早朝應制

紫殿俯千官  
春松應合歡  
御爐香焰暖  
馳道玉聲寒  
乳燕翻珠綴  
祥鳥集露盤  
宮花一萬樹  
不敢舉頭看

酬李袁州嘉祐

少年輕會復輕離  
老大關心總是悲  
強說前程聊自慰  
未知攜手定何時  
公才屈指登黃閣  
匪服胡顏上赤墀  
想到長安誦佳句  
滿朝誰不念瓊枝

夏夜宿表兄話舊

夜合花開香滿庭  
夜深微雨醉初醒  
遠書珍重何曾達  
舊事淒涼不可聽  
去日兒童皆長大  
昔年親友半凋零  
明朝又是孤舟別  
愁見河橋酒幔青

句

禁兵環素帟  
宮女哭寒雲

哀挽第三首止存  
二句見聯珠集叙

竇常

竇常字中行  
大厯中及進士第  
隱居廣陵之柳楊  
著書

二十年不出後淮南節度杜佑辟為參謀元和間自湖南判官入為侍御史轉水部員外郎出刺朗州固陵潯陽臨川四郡入為國子祭酒致仕卒贈越州都督有集十八卷今存詩二十六首

晚次方山精舍却寄張薦員外

楚臘還無雪江春又足風馬羸三逕外人病四愁中西塞波濤闊南朝寺舍空猶銜步兵酒宿醉在除

一作東滁

和裴端公樞薹城秋夕簡遠近親知



歲積登朝戀秋加陋巷貧宿醒因夜歇佳句得愁新盡  
日憑幽几何時上軟輪漢廷風憲在應念匪躬人

項亭懷古

力取誠多難天亡路亦窮有心裁帳下無面到江東命  
厄留騅處年銷逐鹿中漢家神器在須廢拔山功

奉使西還早發小礪館寄盧滁州邁

野棠花覆地山館夜來陰馬蹟穿雲去雞聲出澗深清  
風時偃草久旱或為霖試與惇嫠話猶堅借寇心

早發金鉤店寄奚十唐大二茂才

出門山未曙風葉暗蕭蕭月影臨荒柵泉聲近廢橋歲  
經秋後役程在洛中遥寄謝金門侶弓旌悞見招

途中立春寄楊郇伯

浪跡終年客驚心此地春風前獨去馬澤畔耦耕人老  
大交情重悲涼外物親子雲今在宅應見柳條新

故秘監丹陽郡公延陵包公挽歌詞

卓絕明時第孤貞貴後貧都說為冑子季札是鄉人筆

下調金石花間領措紳那堪歸葬日哭渡柳楊津

涼國惠康公主挽歌

玉立分堯緒笄年下相門早加于氏對偏占館陶恩淚  
有潛成血香無却返魂共知何駙馬垂白抱天孫

哭張倉曹南史

萬事竟蹉跎重泉恨若何官臨環衛小身逐轉蓬多麗  
藻嘗專席閑情欲爛柯春風宛陵路丹旆在滄波

北固晚眺

水國芒種後梅天風雨涼露蠶開晚簇

蠶露於外  
淮西皆然

江燕

繞危檣山趾北來固潮頭西去長年年此登眺人事幾

銷亡

謁三閭廟

君非三諫寤禮許一身逃自樹終天戚何裨事主勞衆  
魚應餌骨多士盡鋪糟有客椒漿奠文哀不繼騷

茅山贈梁尊師

雲屋何年客青山白日長種花春掃雪看錄夜焚香上

象壺中闊平生醉裏忙幸承仙籍後乞取大還方

謁諸葛武侯廟

永安宮外有祠堂魚水恩深祚不長  
角立一方初退舍擬稱三漢更圖王  
人同過隙無留影石在窮沙尚啓行  
歸蜀降吳竟何事為陵為谷共蒼蒼

奉賀太保岐公承恩致政

一作仕

君為宮

一作召  
公為

保及清時冠蓋初閑拜武

一作舞

遲五色

詔中宣九德百寮班外置三師  
山泉遂性休稱疾子弟

能官各受詞不學鑄金思范蠡乞言猶許上丹墀

之任武陵寒食日途次松滋渡先寄劉員外禹

錫

杏花榆莢曉風前雲際離離上峽船江轉數程淹驛騎

楚曾三戶少人煙看春又過清明節算老重經癸巳年

憲宗元

和八年

幸得

一作在

柱

一作枉

一作佳

山當郡舍在朝長詠卜居

篇

湘州柱山在郡東  
十七里即今德山

奉寄辰州房使君郎中

漢代文明今盛明猶將賈傳暫專城何妨密旨先符竹  
莫是除書誤姓名蝸舍喜時春夢去隼旗行處瘴江清  
新年只可三十二却笑潘郎白髮生

立春後言懷招汴州李匡衡推

閒齋夜擊唾壺歌試望夷門奈遠何每聽寒茄離夢斷  
時窺清鑑旅愁多初驚宵漏丁丁促已覺春風習習和  
海內故人君最老花開鞭馬更相過

奉送職方崔員外攝中丞新羅冊使

帝命海東使人行天一涯辨方知木德開國有金家冊

拜申恩重留歡作限賒順風鯨浪熱一作熟初日錦帆斜

夜色潛然火秋期獨往槎慰安皆喻旨忠信自無瑕髮

美童年髻窠香一作香窠子月花便隨琛賁入正朔在中華

酬舍弟牟秋日洛陽官舍寄懷十韻

幼為逃難者纔省用兵初去國三苗外全生四紀一作絕

餘老頭親帝里歸處失吾廬逝水猶鳴咽祥雲自卷舒

正郎曾首拜亞尹未平除幾變陶家柳空傳魏闕書思



凌天際鶴言甚轍中魚玉立知求已金聲乍起予在朝  
魚水分多病雪霜居忽報陽春曲縱橫恨不如

求自試

仙禁祥雲合高梧彩鳳遊沈冥求自試通鑒果蒙收文  
墨悲無位詩書誤白頭陳王抗表日毛遂請行秋雙劍  
曾埋獄司空問斗牛希垂拂拭惠感激願相投

花發上林

上苑曉沈沈花枝亂綴陰色浮雙闕近春入九門深向

暖風初扇餘寒雪尚侵艷回秦女目愁處越人心繞繞  
時縈蝶關關乍引禽寧知幽谷羽一舉欲依林

過宋氏五女舊居

宋氏女姊五人  
貞元中同入宮

謝庭風韻婕妤才天縱斯文去不迴一宅柳花今似雪  
鄉人擬築望仙臺

還京樂歌詞

百戰初休十萬師國人西望翠華時家家盡唱升平曲  
帝幸梨園親製詞

商山

一作四皓

祠堂即事

奪嫡心萌事可憂  
四賢西笑暫安劉  
後王不敢論珪組  
土偶人前枳樹秋

七夕

一本有寄懷二字

露盤花水望三星  
髣髴虛無為降

一作降匹

靈斜漢沒時人

不寐幾條蛛網下  
風庭

杏山館聽子規

楚塞餘春聽漸稀  
斷猿今夕讓霑衣  
雲埋老樹空山裏

髣髴千聲一度飛

竇牟

竇牟字貽周舉貞元進士第歷佐從事後為畱守判官  
檢校尚書都官郎中出為澤州刺史改國子司業卒有  
集十卷今存詩二十一首

史館候別蔣拾遺不遇

千門萬戶迷佇立月華西畫戟晨光動春松宿露低主  
文親玉宸通籍入金閨肯念從戎去風沙事鼓鞞

早赴臨一作銀臺立馬待漏口號寄弟羣

上陌行初盡嚴城立未開人疑早朝去客是遠方來伏  
奏徒將命周行自引才可憐霄漢曙鴛鴦正徘徊

緱氏拜陵迴道中呈李舍人少尹

忽忝諸卿位仍陪長者車禮容皆若舊名籍自憑虛上  
路花偏早空山雲甚餘却愁新詠發酬和不相如

陪韓院長韋河南同尋劉師不遇

以同尋師三字分韻牟得

同字

仙客誠難訪吾人豈易同獨遊應駐景相顧且吟風藥  
畹瓊枝秀齋軒粉壁空不題三五字何以達壺公

送東光呂少府之官連帥奏授

遠愛東光縣平臨若木津一城先見日百里早驚春德  
禮邀才重恩輝拜命新幾時裁尺素滄海有枯鱗

送劉公達判官赴天德軍幕

特建青油幕量

一作重

分紫禁師自然知君子不用問從

誰文武輕車少腥膻左袵衰北風如有寄畫取受降時

軍有東西

受降城

故秘監丹陽郡公延陵包公挽歌

台鼎嘗虛位  
夔龍莫致堯  
德音冥秘府  
風韻散清朝  
天上文星落  
林端玉樹凋  
有吳君子墓  
返葬故山遙

望終南

日愛南山好  
時逢夏景殘  
白雲兼似雪  
清晝乍生寒  
九陌峰如墜  
千門翠可團  
欲知形勝盡  
都在紫宸看

秋夕閒居對雨贈別盧七侍御坦

燕燕辭巢蟬蛻枝窮居積雨壞藩籬夜長簷雷寒無寢  
日晏廚煙溼未炊悟主一言那可學從軍五首竟徒為  
故人驄馬朝天使洛下秋聲恐要知

晚過敷水驛却寄華州使院張鄭二侍御

春雨如烟又若絲曉來昏處晚晴時仙人掌上芙蓉沼  
柱史關西松柏祠幾許歲華銷道路無窮王事繫戎師  
迴瞻二妙非吾侶日對三峰自有期

洛下閒居夜晴觀雪寄四遠諸兄弟



雪月相輝雲四開  
終風助凍不揚埃  
萬重瓊樹宮中接  
一直銀河天上來  
荆楚歲時知染翰  
湘吳醇酎憶銜杯  
強題縑素無顏色  
鴻鴈南飛早晚迴

天津曉望因寄呈分司一二省郎

萬乘西都去千門正位虛  
鑿龍橫碧落提象出華胥  
望幸宮嬪老迎春  
海燕初保釐  
纔半仗容衛  
盡空廬  
要自詞難擬  
繇來畫不如  
散郎無所屬  
聊事穆清居

早入朝書事

紫陌紛如畫，彤庭鬱未晨。  
列星沈騎火，殘月暗車塵。  
隱軫排霄翰，差池跨海鱗。  
玉聲簫似樂，香澤散成春。  
歎息驅羸馬，分明識故人。  
一生三不遇，今作老郎身。

元日喜聞大禮寄上翰林四學士中書六舍人  
二十韻

有事郊壇畢，無私日月臨。  
歲華春更早，天瑞雪猶深。  
玉輦迴時令，金門降德音。  
翰飛鴛別侶，藂植桂為林。  
粉澤資鴻筆，薰和本素琴。  
禮成戎器下，恩徹鬼方沈。  
麟爵來

稱紀官師退絕箴道風黃閣靜祥景紫垣陰壽酒朝時

獻農書夜直尋國香煨翠幄庭燎艷紅衾漢魏文章盛

堯湯雨露靈

一作泄

密辭投水石精義出沙金宸扆親唯

敬鈞衡近匪侵疾驅千里駿清暖九霄禽慶賜迎新服  
齋莊棄舊簪忽思班女怨遙聽越人吟末路甘貧病流  
年苦滯淫夢中青瑣闥歸處碧山岑竊拊聞韶濩觀光  
想韞任大哉環海晏不竿子牟心

奉使至邢州贈李八使君

獨占龍岡部深持虎節居盡心敷吏術含笑掩兵書禮  
飾華纓重才牽雅製餘茂陰延驛路溫液逗官渠南畝  
行春罷西樓待客初甕頭開綠蟻砧下落紅魚牧伯風  
流足輜軒若一作澀虛今宵鈴閣內醉舞復何如

秋日洛陽官舍寄上水部家兄

洛陽歸老日此縣忽為君白髮兄仍見丹誠帝豈聞九  
衢橫逝水二室散浮雲屈指豪家盡傷心要地分禁中  
周幾鼎源上漢諸墳貌虎今無半狐狸宿有羣威聲慙

北部仁化樂南薰野藥飢來食天香靜處焚壯年唯喜  
酒幼學便訶文及爾空衰暮離憂詎可聞

李舍人少尹惠家醞一小榼立書絕句

禁瑣天漿嫩虞行夜月寒一瓢那可醉應遣試嘗看

酬舍弟庠罷舉從州辟書

之荆且願依劉表折桂終慙見却說舍弟未應絲作鬢  
園公不用印隨身

奉酬楊侍郎十兄見贈之作

翠羽雕蟲日日新翰林工部欲何神  
自悲由瑟無彈處今作關西門下人

杏園渡

衛郊多壘少人家南渡天寒日又斜  
君子素風悲已矣杏園無復一枝花

奉誠園聞笛

園馬侍  
中故宅

曾絕朱纓吐錦茵欲披荒草訪遺塵  
秋風忽灑西園淚滿目山陽笛裏人

竇羣

竇羣字丹列兄弟皆擢進士第獨羣以處士客於毘陵  
韋夏卿薦之為左拾遺轉膳部員外郎兼侍御史知雜  
事出為唐州刺史武元衡李吉甫共引之召拜吏部郎  
中元衡輔政復薦為中丞後出為湖南觀察使改黔中  
坐事貶開州刺史稍遷容管經畧使召還卒詩二十三  
首

雪中遇直

寒光凝雪彩限直居粉闥恍疑白雲上乍覺金印非樹  
色靄虛空琴聲諧素徽明晨阻通籍獨卧挂朝衣

東山月下懷友人

東山多喬木月午始蒼蒼雖殊碧海狀愛此青苔光高  
下滅華燭參差啓洞房佳人夢餘思寶瑟愁應商皎潔  
殊未已沈吟限一方宦情哂難口世路倦羊腸彼美金  
石分眷言蘭桂芳清暉詎同夕耿耿但相望

時興



夙心曠何許日暮依林薄流水不待人孤雲時映鶴  
濛濛千萬花曷為神仙藥不遇爛柯叟報非舊城郭

題劍

丈夫得寶劍束髮曾書紳嗟吁一朝遇願言千載鄰  
心許畱家一作冢樹辭直斷佞臣焉能為繞指拂拭試時人

黔中書事

萬事非京國千山擁麗譙佩刀看日曬賜馬傍江調  
言語多重譯壺觴每獨謠沿流如著翅不敢問歸橈

冬日曉思寄楊二十七鍊師

雨霜地如雪松桂青參差鶴警晨光上步出南軒時所  
遇各有適我懷亦自怡願言緘素封昨夜夢瓊枝

貞元末東院嘗接事今西川武相公於茲三周  
謬領中憲徘徊廳宇多獲文篇夏日即事因寄

四韻

重軒深似谷列柏鎮含烟境絕蒼蠅到風生白雪前彈  
冠驚迹近專席感恩偏霄漢朝來下油幢路幾千

北地一作容州

何事到容州臨池照白頭興隨年已往愁與水長流  
俛思逋客辛勤悔飯牛詩人亦何意樹草欲忘憂

雨後月下寄懷羊二十七資州

夕霽涼颼至翛然心賞諧清光松上月虛白郡中齋  
置酒平生開衿願見乖殷勤寄雙鯉夢想入君懷

奉酬西川武相公晨興贈友見示之作

碧樹分曉色宿雨弄清光猶聞子規啼獨念一聲長  
眷

眷軫芳思依依寄遠方情同如蘭臭惠比返魂香新什  
驚變雅古瑟代沈湘殷勤見知己掩抑繞中腸隙駟不  
我待路人易相忘孤老空許國幽報期蒼蒼

晨游昌師院

深庭芳草濃曉井山泉溢林馥亂沈煙石潤侵經室幽  
巖鳥飛靜晴嶺雲歸密壁蘚凝蒼華竹陰滿晴日生期  
半宵夢憂緒仍非一若無高世心安能此終畢

同王晦伯朱遐景宿慧山寺

毘陵志云貞元四年羣與晦伯遐景

同宿慧山寺賦詩題壁羣再至則王已  
阻謝復留跋於後李遂為刻石勒其事

共訪青山寺曾隱南朝人問古松桂老開襟言笑新步  
移月亦出水映石磷磷予洗腸中酒君濯纓上塵皓彩  
入幽抱清氣逼蒼旻信此澹忘歸淹留冰玉鄰

草堂夜坐

匣中三尺劍天上少微星勿謂相去遠壯心曾不停

經潼關贈宇文十

古有弓旌禮今徵草澤臣方同白衣見不是棄儒人

觀畫鶴

華亭不相識衛國復誰知  
悵望冲天羽甘心任畫師

晚自臺中歸永寧里南望山色悵然有懷呈上

右司十一兄

白髮侵侵生有涯青襟曾愛紫河車  
自憐悟主難歸去馬上看山恐到家

中牟縣經魯公廟

嘗修名臣畧  
繫司徒公

青史編名在篋中故林遺廟揖仁風  
還將文字如顏色

暫下蒲車為魯公

初入諫司喜家室至

一旦悲歡見孟光十年辛苦伴滄浪不知筆硯緣封事  
猶問傭書日幾行

春雨

昨日偷閒看花了今朝多雨奈人何人間盡似一作逢  
花雨莫愛芳菲濕綺羅

送內弟袁德師

南渡登舟即水仙西垣有客思悠然因君相問為官意  
不賣毘陵負郭田

贈劉大兄院長

萬年枝下昔同趨三事行中半已無路自長沙忽相見  
共驚雙鬢別來殊

假日尋花

武陵緣源不可到河陽帶縣詎堪誇枝枝如雪南關外  
一日休閒盡屬花



自京將赴黔南

風雨荊州二月天

羣從湖南改黔

問人初雇峽中船西南一望

雲和水猶道黔南有四千

竇庠

竇庠字曾卿釋褐授國子主簿韓臯鎮武昌辟為推官  
臯移鎮京口用為度支副使改殿中侍御史歷登澤信  
婺四州刺史庠天授倜儻氣在物表一言而合期於歲  
寒為五字詩頗得其妙詩二十一首

留守府酬皇甫曙侍御彈琴之什

青瑣畫無塵，碧梧陰似水。  
高張朱弦琴，靜舉白玉指。  
洞簫又奏繁寒磬，一聲起。  
鶴警風露中，泉飛雪雲裏。  
泠泠分雅鄭，析析諧宮徵。  
座客無俗心，巢禽亦傾耳。  
衛國知有人，齊竽偶相齒。  
有時趨絳紗，盡日隨朱履。  
那令雜繁手，出假求焦尾。  
幾載遺正音，今朝自君始。

金山行

潤州金山寺  
寺在江心

西江中瀾波四截，湧出一峰青。  
堞一作蟠

一作堞外如削，成中

缺裂陽氣發生陰氣結是時炎天五六月上有火雲下  
冰雪夜色晨光相蕩沃積翠流霞滿坑谷龍泓徹底沙  
布金鳥道插雲梯甃玉架險凌虛隨指顧榱桷玲瓏皆  
固護幹流倒景不可窺萬仞千崖生跬步日華重重一作

腫腫上金榜丹楹碧砌真珠網此時天海風浪清吳楚萬

家皆在掌瓊樓茵閣紛明媚曲檻迴軒深且邃海鳥夜  
上珊瑚枝江花曉落瑠璃地有時倒影沈江底萬狀分  
明光似洗不知水上有樓臺却就波中看閉啓舟人忘

却江水深水神誤到人間世歎然風生波出沒濯濯晶  
瑩無定物居人相顧非人間如到日宮經月窟信知靈  
境長有靈住者不得無仙骨三神山上蓬萊宮徒有丹  
青人未逢何如此處靈山宅清涼不與囂塵隔曾到金  
山處處行夢魂長羨金山客

于闐鐘歌送靈徹上人歸越

鐘在越靈嘉寺  
從天竺飛來

海中有國傾神功烹金化成九乳鐘精氣激射聲冲澗  
護持海底諸魚龍聲有威神無方連天雲水無津梁不

知飛在靈嘉寺一國之人皆若狂東南之美天下傳環  
文萬象無雕鐫有靈飛動不敢懸鎖在危樓五百年有  
時清秋日正中繁霜滿地天無風一聲洞徹八音盡萬  
籟悄然星漢空徒言凡質千鈞重一夫之力能振動大  
鳴小鳴須在君不擊不考終不聞高僧訪古稽山曲終  
日當之言不足手提文鋒百鍊成恐剌此鐘無一聲

太原送穆質南遊

今朝天景清秋入晉陽城露葉離披處風蟬三數聲那

言苦行役值此遠徂征莫話心中事相看氣不平

四皓驛聽琴送王師簡歸湖南使幕

朱弦韻正調清夜似聞韶山館月猶在松枝雪未消城  
笳三奏曉別鶴一聲遙明日思君處春泉翻寂寥

夜行古戰場

山斷塞初平人言古戰庭泉冰聲更咽陰火燄偏青月  
落雲沙黑風迴草木腥不知秦與漢徒欲弔英靈

奉和王侍郎春日喜李侍郎崔給諫張舍人韋

諫議見訪因命觴觀樂之什

華館遲嘉賓逢迎淑景新  
錦筵開絳帳玉佩下朱輪  
曲裏三仙會風前百轉春  
欲知忘味處共仰在齊人

酬謝韋卿二十五兄俯贈輒敢書情

大賢持贈一明璫蓬華初驚滿室光  
埋沒劍中生紫氣塵埃瑟上動清商  
荆山璞在終應識楚國人知不是狂  
莫恨伏轅身未老會將筋力是

一作事王良

奉酬侍御家兄東洛閒居夜晴觀雪之什

洛陽宮觀與天齊雪淨雲消月未西清淺乍分銀漢近  
輝光漸覺玉繩低綠醺乍熟堪聊酌黃竹篇成好命題  
應念武關山斷處空愁簿領候晨雞

勅目至家兄蒙淮南僕射杜公奏授祕校兼節  
度參謀同書寄上

朝市三千里園廬二十春步兵終日飲原憲四時貧桂  
樹留人久蓬山入夢新鶴書承處重鵲語喜時頻草奏  
才偏委嘉謀事最親榻因徐孺解醴為穆生陳衛國今



多士荊州好寄身  
煙霄定從此非假問陶鈞

酬韓愈侍郎登岳陽樓見贈

時予權知岳州事

巨浸連空闊危樓在杳冥  
稍分巴子國欲近老人星  
昏旦呈新候川原按舊經  
地圖封七澤天限鎖重扃  
萬象皆歸掌三光豈遁形  
月車纔碾浪日御已翻溟  
落照金

成柱餘霞翠擁屏  
夜光疑漢曲寒韻辨湘靈  
山晚

一作曉

雲常碧湖春草徧青軒  
黃曾舉樂范蠡幾揚舲  
有客初留鷁貪程尚數  
莫自當徐孺榻不是謝公亭  
雅論冰生

水雄材刃發硎座中瓊玉潤名下蒞蘭馨假手誠知拙  
齋心匪翫寧每慙公府粟却憶故山苓苦調當三歎知  
音願一聽自悲由也瑟敢墜孔悝銘野杏初成雪松醪  
正滿瓶莫辭今日醉長恨古人醒

東都嘉量亭獻畱守韓僕射

卜築三川上儀刑萬井中度材垂後儉選勝揜前功雲  
構中央起煙波四面通乍疑游汗漫稍似入崆峒屢閉  
高低盡山河表裏窮峰巒從地碧宮觀倚天紅靈檻如

朝蜃飛橋狀晚虹  
曙霞晴錯落夕靄溼  
葱蘢庾亮樓何

阨

一作  
岬

陳蕃榻更崇  
有時閑講德  
永日靜觀風  
玉笋飛

無算金鐃奏未終  
重筵開玳瑁  
上客集鸛鴻  
接武空慙  
褰脩文敢並雄  
豈須登峴首  
然後奉羊公

段都尉別業

曾識將軍段  
匹礪幾場花  
下醉如泥春  
來欲問林園主  
桃李無言鳥  
自啼

靈臺鎮贈丘岑中丞

曉日天山雪半晴  
紅旗遙識漢家營  
近來胡騎休南牧  
羊馬城邊春草生

贈道芬上人

善畫  
松石

雲濕烟封不可闕  
畫時唯有鬼神知  
幾回逢著天台客  
認得巖西最老枝

金山寺

一點青螺白浪中  
全依水府與天通  
晴江萬里雲飛盡  
鰲背參差日氣紅

冬夜寓懷寄王翰林

一作翰林  
王補闕

滿地霜蕪葉下枝幾回吟斷四愁詩漢家若欲論封禪  
須及相如未病時

醉中贈符載

白社會中嘗共醉青雲路上未相逢時人莫小池中水  
淺處無妨有臥龍

龍門看花

無葉無枝不見空連天撲地逕纔通山鶯驚起酒醒處

火焰燒人雪噴風

陪留守韓僕射巡內至上陽宮感興二首

翠輦西歸七十春  
玉堂珠綴儼埃塵  
武皇弓劍埋何處  
泣問上陽宮裏人

愁雲

一作烟

漠漠草離離  
太乙句陳處處疑  
薄暮毀垣春

雨裏殘花猶發萬年枝

竇鞏革

竇鞏字友封  
登元和進士累辟幕府  
入拜侍御史轉司

勲員外刑部郎中元稹觀察澗東奏為副使又從鎮武  
昌歸京師卒鞏雅裕有名於時平居與人言若不出口  
世稱嘖嘖翁白居易編次往還詩集長者號元白往還  
集鞏亦與焉詩三十九首

老將行

一作吟

烽煙猶未盡年鬢暗相催輕敵心空在彎弓手不開馬  
依秋草病柳傍故營摧唯有酬恩客時聽說劍來

贈蕭都官

蕭郎自小賢愛客不言錢有酒輕寒夜無愁倚少年閒  
尋織錦字醉上看花船好是關身事從人道性偏

忝職武昌初至夏口書事獻府主相公

白髮放秦鞵梁王愛舊

一作舊愛

全竹籬江畔宅梅雨病中

天時奉登樓讌閒修上水船邑

一作時

人興謗易莫遣鶴

支一本錢

缺

早秋江行

迴望湓城遠西風吹荻花暮潮江勢闊秋雨鴈行斜多



醉渾無夢頻愁欲到家  
漸驚雲樹轉數點是晨鷗

題任處士幽居

紅葉江村夕孤煙草舍貧  
水清魚識釣林靜犬隨人  
採掇山無主扶持藥有神  
客來唯勸酒蝴蝶是前身

漢陰驛與宇文十相遇旋歸西川因以贈別

吳蜀何年別相逢漢水頭  
望鄉心共醉握手淚先流  
宿霧千山曉春霖一夜愁  
離情方浩蕩莫說去刀州

早春松江野望

江村風雪霽曉望忽驚春耕地人來早營巢鵲語頻帶  
花移樹小插槿作籬新何事勝無事窮通任此身

少婦詞

坐惜年光變遼陽信未通燕迷新畫

一作畫

屋春識舊花

叢夢繞天山外愁翻錦字中昨來誰是伴鸚鵡在簾櫳

歲晚喜遠兄弟至書情

幾年滄海別相見竟

一作意

多違鬢髮緣愁白音書為嬾

稀新詩徒有贈故國未同歸人事那堪問無言是與非

登玉鈎亭奉獻淮南李相公

西南城上高高處望月分明似玉鈎  
朱檻入雲看鳥滅綠楊如薺遠江流  
定知有客嫌陳榻從此無人上庾樓  
今日卷簾天氣好不勞騎馬看揚州

南陽道中作

東風雨洗順陽川蜀錦花開綠草田  
彩雉鬪時頻駐馬酒旗翻處亦留錢  
新晴日照山頭雪薄暮人爭渡口船  
早晚到家春欲盡今年寒食月初圓

哭呂衡州八郎中

今朝血淚問蒼蒼不分先悲旅館喪人送劍來歸隴上  
鴈飛書去叫衡陽還家路遠兒童小埋玉泉深晝夜長  
望盡素車秋草外欲將身贖返魂香

江陵遇元九李六二侍御紀事書情呈十二韻

自見人相愛如君愛我稀好閒容問道攻短每言非夢  
想何曾間追歡未省違看花憐後到避酒許先歸柳寺  
春堤遠津橋曙月微漁翁隨去處禪客共因依蓬閣初

疑義霜臺晚畏威學深通古字心直觸危機肯滯荊州  
掾猶香柏署衣山連巫峽秀田傍渚宮肥美玉方齊價  
遷鷺尚怯飛佇看霄漢上連步侍彤闈

遊仙詞

海上神山綠溪邊杏樹紅不知何處去月照玉樓空

贈阿史那都尉

較獵燕山經幾春雕弓白羽不離身年來馬上渾無力  
望見飛鴻指似人

陝府賓堂覽房杜二公仁壽年中題紀手跡

仁壽元和二百年濛籠水墨淡如煙當時憔悴題名日

漢祖龍潛未上天

早春送宇文十歸吳

春遲不省似今

一作新

年二月無花雪滿天村店閉門何

處宿夜深遙喚渡

一作隔

江船

經賓車騎故城

荒陂古堞欲千年名振圖書劍在泉今日諸孫拜墳樹

愧無文字續燕然

贈王氏小兒

竹林會裏偏憐小  
淮水清時最覺賢  
莫倚兒童輕歲月  
丈人曾共爾同年

唐州東途作

綠林兵起結愁雲  
白羽飛書未解紛  
天子欲開三面網  
莫將弓箭射官軍

新羅進白鷹

御馬新騎禁苑秋  
白鷹來自海東頭  
漢皇無事須游獵  
雪亂爭飛錦臂鞬

秋夕

護霜雲映月朦朧  
烏鵲爭飛井上桐  
夜半酒醒人不覺  
滿池荷葉動秋風

襄陽寒食寄宇文籍

煙水初銷見萬家  
東風吹柳萬條斜  
大堤欲上誰相伴  
馬踏春泥半是花



奉使薊門

自從身屬富人侯  
蟬噪槐花已四秋  
今日一莖新白髮  
懶騎官馬到幽州

送劉禹錫

十年憔悴武陵溪  
鶴病深林玉在泥  
今日太行平似砥  
九霄初倚入雲梯

送元稹西歸

南州風土滯龍媒  
黃紙初飛勅字來  
二月曲江連舊宅

阿婆情熟牡丹開

過驪山

翠輦紅旌去不回  
蒼蒼宮樹鎖青苔  
有人說得當時事  
曾見長生玉殿開

洛中即事

高梧葉盡鳥巢空  
洛水潺湲夕照中  
寂寂天橋車馬絕  
寒鴉飛入上陽宮

尋道者所隱不過

一作于鵲詩題  
作訪隱者不遇

籬外涓涓澗水流  
槿花半點夕陽收  
欲題名字知相訪  
又恐芭蕉不奈秋

寄南游兄弟

書來未報

一作南游兄弟

幾時還知在三湘

一作湖

五嶺間獨立

衡門秋水闊  
寒鴉飛去日銜山

宮人斜

離宮路遠北原斜  
生死恩深不到家  
雲雨今歸何處去  
黃鸝飛上野棠花

代鄰叟

年來七十罷耕桑，就暖支羸強下牀。  
滿眼兒孫身外事，

閒梳白髮對殘陽。

一作向斜陽

新營別墅寄家兄

懶性如今成野人，行藏由興不由身。  
莫驚此度歸來晚，

買得西山

一作山居

正值春

南游感興

傷心欲問前朝事，惟見江流去不回。  
日暮東風春草綠，

鷓鴣飛上越王臺

題劍津

風前摧折千年劍  
巖下澄空萬古潭  
雙劍變成龍化去  
兩溪相並水歸南

放魚

武昌作

金錢贖得免

一作見

刀痕聞道禽魚亦感恩  
好去長江千

萬里不須辛苦上龍門

永寧小園寄接近校書

一作羊士諤詩

故里心期奈別何手栽

一作移

芳樹憶庭柯東臯黍熟君

應醉梨葉初紅白露多

### 從軍別家

自笑儒生著戰袍書齋壁上挂弓刀  
如今便是征人婦  
好織迴文寄寶滔

### 悼妓東東

芳菲美艷不禁風未到春殘已墜紅  
惟有側輪車上鐸  
耳邊長似叫東東



御定全唐詩卷二百七十一



欽定四庫全書

御定全唐詩卷二百七十二

韋元甫

韋元甫初任白馬尉採訪使韋陟深器之奏充支使累遷蘇州刺史浙江西道團練觀度等使大厯初徵拜尚書右丞出為淮南節度使詩一首

木蘭歌

木蘭抱杼嗟借問復為誰欲聞所憾憾感激激彊其顏老

父隸兵籍氣力日衰耗豈足萬里行有子復尚少胡沙  
沒馬足朔風裂人膚老父舊羸病何以彊自扶木蘭代  
父去秣馬備戎行易却紉綺裳洗却鉛粉妝馳馬赴軍  
幙慷慨攜干將朝屯雪山下暮宿青海傍夜襲燕支虜  
更攜于闐羌將軍得勝歸士卒還故鄉父母見木蘭喜  
極成悲傷木蘭能承父母顏却卸巾幘理絲簧昔為烈  
士雄今為一作復嬌子容親戚持酒賀父母始知生女與  
男同門前舊軍都十年共崎嶇本結弟兄交死戰誓不

渝今者見木蘭言聲雖是顏貌殊驚愕不敢前歎息徒  
嘻吁世有臣子心能如木蘭節忠孝兩不渝千古之名  
焉可滅

王鋌

王鋌大厯中為綿州刺史詩一首

登越王樓見喬公詩偶題

雲架重樓出郡城虹梁雅韻仲宣情越王空置千年跡  
丞相魚揚萬古名過鳥時時衝客會閒風往往弄江聲

謬將蹇步尋高躅魚目驪珠豈繼明

潘炎

潘炎禮部侍郎坐劉晏壻貶澧州司馬詩一首

清如玉壺冰

琰玉性惟堅成壺體更圓虛心含景象應物受寒泉溫  
潤資天質清貞稟自然日融光乍散雪照色逾鮮至鑒  
功寧宰無私照豈偏明將冰鏡對白與粉花連拂拭終  
為美提攜佇見傳勿令臺髮累遺恨鮑公篇

張叔良

張叔良登廣德二年進士第詩一首

長至日上公獻壽

鳳闕晴鐘動，雞人曉漏長。  
九重初啟鑰，三事正稱觴。  
日至龍顏近，天旋聖歷昌。  
休光連雪淨，瑞氣雜爐香。  
化被君臣洽，恩霑士庶康。  
不因稽舊典，誰得紀朝章。

呂牧

呂牧東平人，永泰二年擢進士第，自尚書郎為澤州刺史。

史詩一首

涇渭揚清濁

涇渭橫秦野逶迤近帝城二渠通作潤萬戶映皆清明  
晦看殊色潺湲聽一聲岸虛深草掩波動曉烟輕御獵  
思投釣漁歌好濯纓合流知禹力同共到滄瀛

韋夏卿

韋夏卿字雲客京兆萬年人大厯中與弟正卿同舉賢  
良方正高等授高陵主簿累遷刑部員外郎擢給事中

出為常蘇二州刺史徐州節度使張建封辟為徐泗行  
軍司馬俄召為吏部侍郎進檢校工部尚書東都留守  
改太子少保詩三首

別張賈

束簡下高閣買符驅短轅故人惜分袂結念醉芳樽切  
切別思纏蕭蕭征騎煩臨歸無限意相視却忘言

送顧況歸茅山

聖代為遷客虛皇作近臣法尊稱大洞

著作已受學淺

忝初真

夏卿初受正一

鸞鳳文章麗烟霞翰墨新羨君尋句曲

白鵲是三神

和丘負外題湛長史舊居

道勝物能齊累輕身易退苟安一丘上何必三山外雲霞長若綺松石常如黛徒有昔王過竟遺青史載詩因  
埜寺詠酒向山椒酹異時逢爾知茲辰駐余旆

綦母誠

綦母誠官正字詩一首



同韋夏卿送顧况歸茅山

謫宦聞嘗賦遊仙便作詩白銀雙闕戀青竹一龍騎先  
入茅君洞旋過葛稚陂無然列禦寇五日有還期

姚倫

姚倫揚州大都督府叅軍詩二首

感秋

試向疎林望方知節候殊亂聲千葉下寒影一巢孤不  
蔽秋天雁驚飛夜月烏霜風與春日幾度遣榮枯

過章秀才洛陽客舍

達人心自適旅舍當閒居不出來時徑重一作猶看讀了

書晚山嵐色近斜日樹陰疎盡是忘言客聽君誦子虛

于結

于結大厯間人崔寧嘗欲薦為御史為楊炎所沮詩一首

賦得生芻一束

比玉人應重為芻物自輕向風傾弱葉裛露示纖莖蒨

練宜春景芊綿對雨情每慙蘋藻用多謝蒹蘭榮孺子  
才雖遠公孫策未行諮詢一作詢謀如不棄終冀及微生

鄭孺華

鄭孺華大厯間人詩一首

賦得生芻一束

孫弘期射策長情贈生芻至潔心將比忘憂道不孤芝  
蘭方入室蕭艾莫同途馥馥香猶在青青色更殊芳寧  
九春歇薰豈十年無葑菲如堪採山苗自可逾

張叔卿

張叔卿官御史詩二首

空靈岸

寒盡鴻先去江迴客未歸  
早知名是幻不敢繡為衣  
霧積川原暗山多郡縣稀  
今朝下湘岸更逐鷓鴣飛

流桂州

莫問蒼梧遠而今世路難  
胡塵不到處即是小長安

房孺復

房孺復琯之子七歲即解綴文歷官杭辰兩州刺史容  
州經畧使詩一首

酬竇大閒居見寄

来自三湘到五溪青楓無樹不猿啼名慙竹使宦情少  
路隔桃源歸思迷鵬鳥賦成知性命鯉魚書至恨睽攜  
煩君强著潘年比騎省風流詎可齊

楊郇伯

楊郇伯與竇常同時詩一首

送妓人出家

盡出花鈿與四隣  
雲鬟剪落厭殘春  
暫驚風燭難留世  
便是蓮花不染身  
貝葉欲翻迷錦字  
梵聲初學悞梁塵  
從今艷色歸空後  
湘浦應無解珮人

陳潤

陳潤大厯間人終坊州郿城縣令詩八首

宿北樂館

欲眠不眠夜深淺  
越鳥一聲空山遠  
庭木蕭蕭落葉時

溪聲雨聲聽不辨  
溪流潺潺雨習習  
燈影山光滿窗入  
棟裏不知渾是雲  
曉來但覺衣裳濕

東都所居寒食下作

江南寒食早二月  
杜鵑鳴日暖山初綠  
春寒雨欲晴浴  
蠶當一作看社日改火待清明  
更喜瓜田好令人憶邵平

登西靈塔

塔廟出招提登臨碧海西  
不知人意遠漸覺鳥飛低  
稍與雲霞近如將日月齊  
遷喬未得意徒欲躡雲梯

送駱徵君

野人膺辟命溪上掩柴扉  
黃卷猶將去青山豈更歸  
馬留苔蘚迹人脫薜蘿衣  
他日相思處天邊望少微

賦得浦外虹送人

日影化為虹彎彎出浦東  
一條微雨後五色片雲中  
輪勢隨天度橋形跨海通  
還將飲水處持送使車雄

賦得秋河曙耿耿

晚望秋高

一作曉鏡高秋

夜微明欲曙河橋成鵲已去機罷女



應過月上殊開練雲行類動波尋源不可到耿耿復如何

賦得池塘生春草

一作陳陶詩

謝公遺詠處池水夾通津古往人何在年來草自春色  
宜波際綠香愛雨中新今日青青意空悲行路人

闕題

丈夫不感恩感恩寧有淚心頭感恩血一滴染天地

杜誦

杜誦大厯間詩人詩一首

哭長孫侍郎

一作杜甫詩

道為詩書

一作謀猷

重名因賦頌雄禮闈曾擢桂憲府既

一作

近乘驄流水生涯盡浮雲世事空唯餘舊臺

一作松

栢蕭

瑟九原中

鄭丹

鄭丹大厯間詩人蘄州錄事叅軍詩二首

明皇帝挽歌

律歷千年會車書萬里同固期常戴日一作戴物豈意厭觀  
風地慘新彊理城摧舊戰功山河萬古壯一作在今夕盡  
歸空

肅宗挽歌

國以重明受天從諒闇移諸侯方北面白日忽西馳龍  
影當泉落鴻名向廟垂永言青史上還見戴一作戴無為

鄭昉

鄭昉大歷詩人詩一首

落花

早春見花枝朝朝恨發遲  
直看花落盡却意未開時  
以  
此方人世彌令感盛衰  
始知山簡達頻向習家池

朱長文

朱長文大厯間江南詩人詩六首

宿新安江深渡館寄鄭州王使君

霜飛十月中搖落衆山空  
孤館閉寒木大江生夜風  
賦

詩忙

一作情

有意

一作憶

沈約在關東

春眺揚州西上

一無上字

崗寄徐負外

蕪城西眺極蒼流  
漠漠春烟間曙樓  
瓜步早潮吞建業

蒜山晴雪照揚州  
隋家故事不能問  
鶴在仙山一作池期

我遊

一本無此二句

送李司直歸浙東幕兼寄鮑將軍

一作朱灣詩

翩翩書記早曾聞  
二十年来願見君  
今日相逢悲一作

朝廷

思

白髮同時幾許在  
青雲人從北固山  
邊去水到西陵

渡口分會作王門  
曳裾客為余前謝  
鮑將軍

自注時節度大夫初

封東平  
郡王

望中有懷

龍向洞中銜雨出  
鳥從花裏帶香飛  
白雲斷處見明月  
黃葉落時聞擣衣

題虎丘山西寺

王氏家山昔在茲  
陸機為賦陸雲詩  
青蓮香匝東西宇  
日月與僧無盡時

吳興送梁補闕歸朝賦得荻花


柳家汀洲孟冬月雲寒水清荻花發一枝持贈朝天人

願一作應比蓬萊殿前雪

句

夜靜忽疑身是夢更聞寒雨滴芭蕉

宿僧房  
見詩式



御定全唐詩卷二百七十二